

DAR MALAR THOMAS GASPERI KNAPP HÈRTA MEARAR GEKHENNT UN DARKHENNT

La poesia di Thomas nei suoi acquarelli



Inaugurazione mostra



Acquarello di Thomas Gasperi Knapp

È stata inaugurata sabato 14 maggio, presso il municipio di Neuhaus am Inn in Germania, una nuova esposizione dell'artista cimbro Thomas Gasperi Knapp: quasi trenta opere realizzate con la tecnica dell'acquarello, dalle quali, grazie alla trasparenza e alle velature con cui l'artista si esprime sulla tela, emerge un mondo di poesia ed atmosfere delicate, ognuna caratterizzata da una propria storia.

Alle biar hâm gemak khemmen zo khenna

in lusérnar malar Thomas Gasperi Knapp no 'z djar 2010 balda, au pa Eck, in di kanânegà, hattar auzgelekk soine pildar pittar auzlegom "Emozione INColore"; von sèll djar vort hattarse gemacht khennen ummar bobrall un 'z djar 2015 izzar gekheart bodrùmm in soi lânt, in di pinakotèl "Rheo Martin Pedrazza", pittar auzlegom "Nindart un Bobrall o". Est izzar khent gerüaft in auzlânt o, in Kamòuhauvo Neuhaus am Inn, boda soi auzstëllung bart soin offe auz pan summar.

r.p.

Di bazzarvarbe bodar nützt zo geba lem in sachandarn boden gevälln rift gerade in hèrtz asò azpe 'z magata tüan a gedicht, umbrömm soine pildar soin daz earst von alln gedicht.
Zo bizza mearar vo soinar kunst, vo bia si iz gebortet, bele auzstëllungen dar hatt gemacht un bele dar hatt in sint zo macha un z'sega o ettlane pildar bodar hatt gemalt, makma gian att soin sito www.thomasgasperi.it.

Di zimbarn khemmen mearar ma hèrtà mindar ren azpe biar

Sono stati pubblicati i dati relativi al censimento degli appartenenti alle popolazioni di lingua cimbra, ladina e mochena; i cimbri erano 882 nel 2001, 1072 nel 2011 e 1111 nel 2021.

Von 268 läut inngeschribet in Kamòu vo Lusérn, 209, dar 78%, hâm auzgevüllt in formulär un, vo dise, 184 hâm khött zo höarase zimbarn; 25 läut hâm auzgevüllt in formulär khödante netz zo höarase zimbarn un 59 hâmen netz auzgevüllt.
Von 209 läut boda hâm auzgevüllt, 177 (84,7%) hâm khött zo vorstiana azpe biar, 147 (70,8%) renz o, 126 (59,3%) lesan azpe biar un lai 77 (36,8%) schraim azpe biar.
'Z khemmatnz vür "schümmane nümmar" ma, azparse auroatn haltante kunt von 268 läut boda soin inngeschribet in Kamòu, schaugatz auz sovl bida lai dar 66% von lusérnar

vorstéat azpe biar, dar 55% redetz, dar 46% lestz un lai dar 29% schraibet azpe biar.

Von lusérnar, di sèllnen boda soin mearar stoltz z'soina zimbarn, soinz di djungen von 11 atti 17 djar, un lai nà di eltern obar in 65 djar. Di sèllnen boda soin daz mindarste stoltz soinz di läut von 18 atti 34 djar.
An lestn mabar khön ke di zimbarn in di provintz vo Tria soin khent mearar: sa soin gest 882 'z djar 2001; 1072 'z djar 2011 un 1111 'z djar 2021; in ditza vil hatta geholft di arbat boda iz khent gemacht in lendar azpe Laim/Terragnolo boda 71 läut, dar 10,2%, hâm khött zo höarase zimbarn. Ma, azta 'z djar 2011 atz Lusérn dar 85,3% von läut boda hâm auzgevüllt in formulär, hâm khött zo höarase zimbarn, est, zen djar spetar, soinsa no gestänt lai dar 68,7%.

E.v.K.

Eppaz bode nia bart vorgèzzan

Sono passati quasi quattro anni da quei giorni d'autunno, nei quali la tempesta Vaia si è abbattuta anche su Luserna, lasciandoci per alcuni giorni senza elettricità nelle case e costretti a vivere in maniera improvvisata. Riflettendoci però, poteva andarci molto peggio.

'Z soinda sa pasàrt squasse viar djar, ma in sèll tage bartemaren gedénkhan vor hèrtà. I pin gest atz Lusérn, ma anvètze baz zo giana ummar pa beng odar inn pa balt, azpe 'z hebatmar gevällt tûan, hâne gemochet stian dahuam, ombrömm auzzalt hattz geren. I moch khön però ke disar temporàl hatt netz auzgeschauget vil åndarst baz di sèllnen bobar soin gebónt z'sega ka herbest. Allz ditzat hattmaz pensàrt fin balda iz vortgånt 'z liacht in alle di haüsar un in gântz lânt

vo Lusérn. Von sèll momént vort hâne gelebet vor zboa tang azpe no nia in moi lem. Daz earst sachan bode hân gehatt zo vorzichta iz gest dar telefono, boda åna strom hatt netz gemak gian. An åndarz sachan boma netz hatt gemak tüan iz gest khochan afti elektrische piastra. Un andre sachandarn azpe di haitzung un dar televisör soin logicamente o netz gânt. Vor gelükh, in kheldar, moine non hâm gehatt gehaltet an altn heart, bodaz hatt gebérmp un gemacht boróatan an guan pjatto pasta. In tage dòpo dar sturm iz gest pasàrt, ma niamat hatt gebizzt balda berat gekheart bidrùmm 'z liacht in lânt. Zum gelükh, habar gehatt zo paita lai an åndarn tage, un finalmente saibar bidar gest ågepuntet dar bëlt.

Dopo sovl djardar von sturm Vaia, alle di vert bode gea in

Vesan odar ka Slege, segante alle di sèlln èlbar danìdar un di gântzan beldar bodada neméar soin, pensare no hèrtà bi znicht 'z matta khemmen di natür un bialv

An gruaz,
Samuel Pedrazza




Foto Valentina von Kastelé - loc. Lèrchla

Istituto Cimbro | Kulturinstitut Lusérn
Tel. 0464-78.96.45 | info@kil.lusern.it
www.istitutocimbro.it



Dar Las un dar hoachpon soin boróatet vor in Giro d'Italia

Il 25 maggio tutti pronti per festeggiare il passaggio del Giro d'Italia sul Menador che, per l'occasione, vede sospesi i lavori d'allargamento del primo lotto. In attesa della piena messa in sicurezza e della riapertura, i campioni delle due ruote scaleranno la grande salita.

Allz iz sa khent gevèrbet ròsat atz Lavròu vor in Giro d'Italia, da groaz manifestaziòng boda bart pasàrn atz 25 von madjo auvar von Las rivante a Chiesa vo Lavròu. Di ziklistn bartn khempfan fin an lestn àzograia in stikhl bege von Las. Atz Monterùf, bododa iz di kheat boda vuart nidarbart zuar Lavròu, alle di laüt un di troupe vodar televisiòng bartin soin sèmm abezonemma di pestn kampiù. A groaza okasióng vor Lusérn o zo lazzase seng afti televisiòng boda, lai vor an tage, bart ren von hoachpon, von Las un von ünsar khlumma länt o est ummaz von pestn von Beleschlànt. Azta epparùmmaz hattz gearn, makz gian z'schraiba azpe biar auz pa bege pinn gipz, azpe sa tûan in Beleschlànt, schraibante eppaz azpe "An gruaz von Zimbarn vo Lusérn", "Lusérn gitt an gruaz in Giro" odor "Biar soin biar un dar peste iz nett genùmma". Eppaz zo lacha, asò zo lazza seng in laüt ke di lusérnar soinda! An groaza vairta vor alle, saiz vor di ziklistn azpe vor di apasionèt boda bartn khemmen zo darvéra sött schümmame plètz azpe di ünsarn.

Dar Nachtvogl



A platz arbat in Kamòu vo Lusérn

Sul sito del Comune di Luserna www.comune.luserna.tn.it è pubblicato il bando di concorso indetto dal Comune; ricordiamo inoltre che, per essere sempre aggiornati in merito alle novità relative all'attività comunale e per ricevere le varie comunicazioni attraverso l'applicazione di messaggistica Telegram, è sufficiente collegarsi al chatbot "Naügez von Kamou vo Lusérn".

Ats 30 von abrél hatta ägeheft zo arbata vor in Kamòu vo Lusérn dar naüge arbatar Mirko Verones, boda sa vorânahi hatt gehatt a firma, un khânt machan vil arbatar boda interesàrn in Kamòu. Dar is khent auszornirt vonar Komisióng. Est dar Kamòu vo Lusérn süacht an ägestèllte puachhalter vor di "Ragioneria". 'S khinta gevorst zo haba gemacht di obarschualn. Di arbat is vor da gântz boch (36 urn arbat) un âna grentze.

Dar platz is ler umbrömm da bravate Arianna is gânt zo arbata in Kamòu vo Tria. 'S khint vür vil vert ke di pestn arbatar un ägestèllte von khlumman kamöündar atti pèrg gian vort zo arbata in di groasan kamöündar in tal, boma hatt alls destrar.

Biar hoffan asta disan stroach mèlndse Lusérnar o, boda lem atz Lusérn odar lusérnar boda soin vort un böllatn khearn bidrùmm in soi lânt un stian da vil djjardar.

Luis

